

K296.1

100

(490:1)

中國方志叢書·華北地方·第四五六號

據

民國·張之清修，田春同纂
民國十三年鉛印本

影印

河南省

考城縣志

(三)

成文出版社有限公司印行

中華民國六十五年 月壹一版

考城縣志

全三冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

考城縣志卷十三

人物列傳

左氏春秋傳於列國人物去章不遺餘力正以國賴人以成人即以國自託也漢書古今人表有古人無今人猶有遺憾然以九品定人格實史家法義未之能易也顧棟高春秋人物表不悖宏旨蓋史家賢奸並載以昭法戒董狐秉筆太史執簡善有所勸惡有所懲即非國史義例亦同明王啓承城會通記載官吏分爲三等紀人物有鄉賢鄉悖之異嘉靖時林庭楫等撰廣西通志仿諸史姦臣酷吏傳立奸宄一門萬歷間廣東通志有罪故貪酷兩門皆精於史例不肯徇流俗避衆謗也自是而後古義浸失惟以表揚先哲記載善良爲宗旨其導源自宋樂史太平寰宇記備載列朝人物有美無惡說者即謂史與志體例不同豈其然乎竊嘗論之春秋之義善善從長惡惡從短有貶無褒決非聖人與人爲善之意故於光明俊偉焉英雄傑士爲之於貳於豹焉羔袖瑕瑣不掩

者亦無遺焉充類至義之盡也考城人物以兩晉南北朝爲最盛蔡江二姓實爲先進宋梁諸書已有定論後起之英亦復正多茲分爲名宦名臣宦績忠義篤行儒林文苑隱逸方技釋老寓賢列女十一品各爲列傳以著人物之盛雖體猶方志而法義自寓其中也若謂竊取春秋則吾豈敢傳人物

列傳一 名宦

王 奘	燕 肅	吳 祥	天 清 忽
李 茂	方 正	王 理	李 敬
耿世慶	甯文光	馮 尙	杜志晦
湯九星	王用正	崔天印	鄭仰玄
楊啓元	崔德爲	劉愈奇	楊種球
郭任仁	程夢簡	徐建德	劉際昌
陳惠敏	王大綸	李宏業	徐傳星

雷遜

慶熙

吳拱辰

許晉奎

丁祖和

李璋

趙樹禾

郭藻

呂耀輔 以上知縣

冀禹錫

劉膚功

夏體儀

汪彪 以上主簿

魏弘

夏德化

李蘭馨 以上典史

蔡烜

李烜

曾騰鳳

董世傑

楊獻章

劉泮

王應祥

安如嵩

王宜中

王樂善

王光皋

劉廷詔

張鈺 以上教諭

李孟仁

井楚賴

王尙賢

聶舜卿

張大化

朱孔陽

王臣

何六典

張維祥

蔡昭

郭烜

苑造

楊景時

王辰順

張賓彤 以上訓導

附錄河二名

楊挺高

栗毓美

漢

縣令王奐字子昌河內武德人明五經負笈追業常負灌園恥交勢利與外黃范冉親善及令考城境接外黃屢遺書請冉冉不至邑人仇覽少爲書生淳然鄉里無知者年四十縣召捕吏選爲蒲亭長感陳元母子期年大化與政尙嚴明聞覽以德化人署爲主簿謂覽曰主簿聞陳元之過不罪而化之得勿少鷹鷂之志耶覽曰以爲鷹鷂不若鸞鳳奐謝遣曰枳棘非鸞鳳所棲百里豈大賢之路今日太學曳長裾飛名譽皆主簿後耳以一月俸爲資勉卒景行與遷漢陽太守將行范冉乃與弟協步賣麥酒於道側設壇以待之冉見車徒絡繹遂不自聞惟與弟共辨論於路奐識其聲即下車與相揖對奐曰行路倉卒非陳太關之所可共煎亭宿息以叙分隔冉曰子前在考城思欲相從以賤質自絕豪友耳今子遠適千里會面無期故輕行相候以展決別如此相追將有慕貴之譏矣便起告違拂衣而去奐瞻望弗及冉長逝不顧既奐徵爲議郎卒

後漢書范冉傳范冉字叔仁

按考城名宦祠首舉王奐陳志以後漢書循吏傳洛陽令當之改遷洛陽令爲考城令固誤衛輝府志易以王奐而事跡仍屬王渙其誤參半歸德府志譏陳志私改渙傳竟不爲立傳自謂讀史有識豈知齊固失之楚亦爲得乎蓋洛陽王渙廣漢郾人考城令王奐河內武德人列傳最爲分別陳志不察獨行傳惟斷斷於循固吏值混爲一人相疏甚矣惟王曾汾後漢書校刊云時考城令河內王渙按范冉傳作王奐最爲確鑿奐渙古字通詩卷阿篇泮奐周頌閔予小子篇作泮渙是其証也

宋

知縣燕肅字穆之青州益都人父峻慷慨任俠楊光反時率其屬迎符彥卿遂家曹州肅少孤貧游學舉進士補鳳翔府推官寇準知府事薦改秘書省佐郎知平縣縣民嘗苦吏追擾肅削木爲牘民訟有連逮者書其姓名使自召之皆如期至知考城縣通判河南府召爲監察御史準方知河南奏留之遷中侍御史提點廣南西路刑

獄徙廣南東路爲丁謂所惡出知越州徙明州俗輕悍喜鬪肅下令獨罪先毆者於
是鬪者爲息直昭文館爲定王府記室參軍判尙書刑部建言京師大辟一覆奏而
州郡之獄有疑及情可憫者上請多爲法司所駁乃得不應奏之罪願如京師死覆
奏遂詔疑獄及情可憫者上請其後大辟上請者多得貸議自始擢龍圖閣待制
權知審行院知梓州還同糾察在京刑獄再判刑部累遷左諫議大夫知亳州徙清
州屬歲歉命兼京東安撫使入判太常寺兼大理寺復知審刑肅言舊太常鐘磬皆
設色每三歲親祠廟重節之歲既久所塗積厚聲亦不協乃詔與李照宋祁同按王
朴律卽剗蘇考擊合以律準試於後院聲皆協又詔與章得象馮元祥刻漏進龍圖
閣直學士知潁州徙鄆州官至禮部侍郎致仕卒肅喜爲詩其多至數千篇性精巧
能畫入妙品圖山水崑布濃淡意象徹遠尤善爲古木折竹嘗造指南記里鼓二車
及欵器以獻又上蓮花漏法詔司天台考於鐘鼓下云不與崇天歷合然肅所至篇
刻石以記其法州郡用之以候昏曉世推其精密在明州爲海潮圖著海潮論二篇

宋史

按載肅事蹟不盡闕考城然傳明言所至刻石以記其漏法其於考城亦必如此且所治多刑律樂律尤爲民者所慎重故備錄之

知縣吳祥真州揚子縣人從進士試屢不中年四十餘中第爲吉州軍事推官歸以選爲開封府開封縣丞大臣稱其材遂爲必書省著佐郎知考城縣罷官歸卒曾奉碣其墓元豐初稿

元

縣監禿滿忽都魯至元間監考城修文廟功完刻碑廟前尋沒於河乾石烈爲縣簿尉與監協修亦勒於石縣志

縣尹李茂元統間爲考城縣尹重修文廟創建東西廡又廟向無祭器時博平陶師鄭野塘者精是術遂準三禮圖專人持錢六百編買於鄭其罇罍簋豆鼎爵之具凡三百六十事有奇自茲薦獻有所而肄習有序矣元韓杜三子修文廟記

考

城

縣

志

卷十

四

明

知縣方正山東高密人監生宣德間知考城寬刑薄賦守法奉公時徭差煩重富室多以賄免貧民苦之正均其役人情歡悅陞大理寺評事去祀名宦

陳志

知縣王理陝西同州人進士正統間知考城居已沉靜處事敏捷邑民好訟矯誤呈稟以陷善良理長於摘發無情者不得盡其辭境內大化在考九年陞刑部郎中祀

名宦

陳志

知縣李敬山東館陶人監生成化間任清慎嚴明吏民畏服嘗修學宮掘地得錢盡充公用不勞民財事成去祀名宦

陳志

知縣耿世慶山西蔚州人嘉靖間任賦性嚴明處事周悉禦水變動月課邑人感之

陳志

知縣雷文光字子謙別號漸齋江西浮梁舉人明嘉靜間知考城辯論疎直操履端方初洪武永樂間詔河南開墾荒田永不起科考境黃河屢遷豪黠吞併灘地杞縣

人因入墾田得八百餘頃宣德時朝廷收其地起科徵解景泰中劉鵬恐爲考之害奏歸之杞於是種地在考納糧於杞考之空糧爲累甚鉅且是時城係土城矮且薄歲久傾圯四門上上屋一楹難資捍禦城內往往有劫庫攘民案文光聞之歎曰爲治有體當急所先田賦不均民何以堪城郭窳何以禦即以一地二糧狀洞陳司府抗疏兩院百折不回以求必伸久之得旨奉巡捕合勘糧歸杞縣地歸考城三十年吏害一剷除之苦夫或謂考之吏高者之吏享權悉易以導四門上各建營樓森嚴整齊戕人喪斃劫奪之害去其他均地歛法冗費繁提防減耗粒過徵之價邑人皆謳歌之文光嘗自聯云鬼神知我無私曲禍福由他自去來邑人董漢儒贈詩云烈士心無愧清官氣自高及去民立生祠於學宮祠之

宋顧南侯均州縣城記

按舊志載杞考壹地貳糧文云考距杞百餘里中隔州縣有二杞地在考事屬不經緣考地濱大河先年多退灘荒土杞人以境外來墾亦通例也後竟詭報新墾之考城地三百餘項註杞圖籍名曰新增地米而考腹裡之田土稅糧遂駕空而

入已矣又考霞武均說前地公在丈量之內而論又三八考矣之考地賦糧所
來也明御史顏某具疏詳陳終末則晰今地屬在考糧仍納祀雖免地賦糧之
累然編戶在考耕耘屬祀究爲未便姑志之以俟他日歸正云據此當文光當日
僅爭壹地貳糧耳而編戶仍未釐正也

知縣馮尙湖廣江夏舉人萬歷間任居官簡易深得民心爲立生祠之
知縣杜志晦字相寶山西蒲州舉人萬歷十二年知考城悉心民隱百廢俱興考邑
稅法有田賦丁役土貢名目繁多民人苦之志晦用一條鞭法將丁役土貢等悉併
於田賦計畝徵收閭閻不擾縣城乃正德間徙葵邱時所築至嘉靖已數十年傾圯
不足資捍衛志晦率衆修葺成四門皆易新額內東曰葵邱旭日南曰葛堤曉翠西
曰木鐸遐風北曰河帶縣春外東曰東夏咽喉南曰中州雄鎮西曰西京藩衛北曰
北門鎮鎗時大市飭各州縣立名宦鄉賢祠修縣志志晦聞命即具文稟曰賢宦之
祠所以報先啓後誠盛舉也一邑之志所以鏡古鑒今最要典也二者何地無之本

縣原未建祠雖有賢宦請入何所邑志殘缺賦役人物何從考徵是不可不創修也
卑職到任思欲查議申請建修間續奉明又查舉二事關係學校卑職難以遽申屢
行本縣儒學查議去後至萬曆十三年二月十五日方准儒學縣呈回稱查得名宦
鄉賢從祀先聖血食無窮關係匪輕考邑自建學以來二項人物後先相望迺久缺
祀典殊乖政體今蒙倦倦催取興舉遂令廩膳生員李講等考史籍咨父母得名宦
鄉賢各三人又查文廟宮牆之東有原立號房三所每所五間以被天雨連綿墻垣
傾圮磚木頗存相應改建名宦鄉賢二祠量加修葺因不至傷財勞民而廟貌維新
且令諸生講訓其中而仰止之心油然而生矣再查得老城舊有鈔志出於嘉靖初年
邑人朱光裕之手其間不無可採以時推之其地理人物山川等項應該增補者未
必無也更會同舉人孫洙等逐一考究名宦如王奐李敬蔡紳鄉賢如仇香蔡興宗
江革人品行實委係年久論定名實相符無容別議堪應入祀其修志建祠之事動
支條鞭銀拾兩九錢四分其學田銀數修志應用若干估計明白修理事完徑自各

另購報仍具由申以憑查考大府許可即建名
重修縣志書成爲卷四爲目十二自序刊行之

葉錄陳志

知縣湯九星江西星子縣舉人萬歷間知考城廉靜寡欲擅幹濟才築城垣整街道
境內荒田使民開之更修葺學宮暨城隍廟不費民財百事就理乃廉而有爲者祀
名宦

知縣王用正失其字山西陽城縣人萬歷間由舉人謁選得考城性正直不肯媚權
貴考濱大河歲患水民貧賦重尤失均者爲大馬民坐是益窘用正剔其弊平其役
歲省以三千計明舊例出沒於河皆免租詭者多託地於河用正詳核之得濫免四
百餘頃當時有水寇橫甚吏不敢捕用正身冒矢石卒禽而斬之四境之無良者悉
籍其主名事發則重創焉凡孤村爲之歸併奸暴斂迹大河在考境內不時漫溢恆
患荒歉用正命河工於春時多備埽堵有險即修之每歲至秋令積粟於倉倍於他
日民待以無恐嘗謂民貧由於官貪官貪由於不知節儉乃於馬步兵之仗銀入覲

之路費行戶之官價訟獄之拘攝悉裁改之衣食既足即興禮義立課士法季試文
朔望試講十日一課豐供設第高下賞勸勞立鄉約法聘鄉先生及耆民有行者表
率之數入約而爲勸諭考俗一蒲者鬪鷄走狗者男女雜集寺觀會登泰岱者貨戲
具者小兒投桃擊培者雜沓繽紛恬不爲怪用正壹是嚴禁民風丕變政成臺察下
之八郡令爲僑型一甯陵呂坤爲作見陽王侯宜民政畧以記之一明倫彙編家範典

知縣崔天印號鍾渤山東濱州人崇禎年間以舉人知考城家世科名其父著有君
臣事畧下車時家爲賜之工爲政皆因國計民生之大者舊制生員優免本縣田糧
二石該地豈頃八十四畝三分久之漸廢崇禎六年命下復之天印詳請照商例穀
然各口其舊時稅課則一兩署局中帳簿詳有恤之者天印捐俸金置膏田五十畝
勸諸明倫堂永爲資借且時憂歲科乏人每朔二望六課士公署黜浮崇雅確有得
歐陽公遺意他如議賑修防裁冗一盡練兵固守刑不貸奸賞必及善善政斑斑可
考布政使陸之進按察使徐沈薦其才可用嗣以調任如職自行辭去邑士甯貫斗

朱廷秀等爲建祀尸祝

知縣鄭仁玄直隸人舉人崇禎十年知考時法定考起資以得舉者之士以歲久傾圯益不足恃仁玄面奏曰縣城上城難以固守不若申請撫憲設法通易以磚廩堅整完固足以禦侮衆欣然樂從申請微可遂率紳民修城鑿池儲守禦備流寇屢遭安堵無恙官易碑功也陞汝寧府同知

陳志

知縣楊啓元直隸登潤人舉人崇禎十三年知考城執法不阿百廢俱舉下車即欲修纂縣志值歲奇元賑災孔急次歲奇病得染骸骨三野鄉紳救死不贖益無餘暇助修志書十五年流寇入城聖廟大殿兩廡戟門櫺星門俱被焚毀啓元自愧守土無狀期效一死士民護之不果朝議革職留任啓元益自奮勵即除巨惡逐客兵救難民撫善良城門戒嚴奸細屢被查獲賊不知內容以故不敢猝至富兵戎倉卒之餘好幣以暇更修城垣建學宮修葺被焚諸廟徵文考獻重修邑乘書版目爲序刊之既去民爲建生祠繪實政圖惜明季世亂未有舉之祀名宦者

錄自作者城縣志序